

憲示第四百四十號

輔政使司史

曉諭事照得現奉

督憲諭將

大清巡工司示諭抄示以便週知等因奉此合亟出示曉諭為此特示

一千八百八十九年

十月

二十六日示

大清署理各口巡工司布

為

通行曉諭事照得本署巡工司前奉

總稅務司赫 憲劄行以沿海沿江建造燈塔浮樁等事或係創設或

宜改移或有增添或須裁撤營造既有變更務即隨時彰明出示通曉

各處俾得行江海船隻周知備喻等因茲本署巡工司查准朝鮮仁川

口署稅務司第二號示稱在所屬仁川口內贅月尾島設立驗潮石樁

一座合將其情形開列於左

計開

一仁川口內贅月尾島東南麓設有驗潮石樁一座外飾紅白橫線相間

每線徑寬三英尺內刻西文號碼凡本至線下某碼即擱江沙上之水

深尺數也

為此合即遵行出示通曉各處船隻其務宜留心詳記以免疎虞勿忘

勿忽切切特示

光緒十五年

九月

十六日

第二百三十一號示

憲示第四百四十二號

署輔政使司李

曉諭事現奉

督憲札開招人投接裝建窻身尖尾船一隻即鯨魚船為水師巡捕之

用所有投票均在本署收截限期收至西歷本年十月三十日即禮拜

三正午止如欲觀看章程及知詳細者前赴巡捕官署請示可也各票

價列低昂任由

國家棄取或總棄不取亦可等因奉此合亟出示曉諭為此特示

一千八百八十九年

十月

二十六日示

憲示第四百四十三號

署輔政使司李

曉諭事現奉

督憲札開招人投接將查船醫官火船仔名巴蘭芝修整所有投票均

在本署收截限期收至西歷本年十月三十一日即禮拜四正午止該

船各壞漏之處並修整事款可在驗船官署閱看各票須列明何時可

以竣工投得之人須具備火船仔一隻專為查船醫官之用等因奉此

合亟出示曉諭為此特示

一千八百八十九年

十月

二十六日示